

宮城三周踞高座道王為應聲人主弘至道

天下普安靈

太上玄一第二真人頌曰

虛無常自然強名字大道綺紉邀無邊際眾  
妙歸靈寶閉目存至真精思降十老升仙永

無為靈頌常妙好渴飲玉池醴飢食金花草

淨世度八難濟世諸苦惱

太上玄一第三真人頌曰

妙執靈寶經太上自然書奉者致得道就世  
降真來受命宣道教真為超俗才事畢升神

仙宮殿治玄臺時降崑崙山道選愆

蓬萊正一真人無上三天法師張天師頌曰

靈寶及大洞至真道經王唯有五千文高妙  
無等及奉旨致飛仙玄居治虛空侍衛太上

臺道運載微宮萬劫猶雷頃長存永無窮道

心已備足豁落自冥通幽昧曰不知安坐觀

十方禮經三首咒

真人曰訣云侍經仙童玉女聞此咒皆歡悅  
而祐兆身也是大經悉用此咒而禮拜美若

直心禮經者亦心咒其文乃上仙秘之手

樂法以為妻愛經如珠玉持戒制七情念道

遣所惡凌薄正氣停蕭然神靜默天魔并教

讓世世享大福

贊壽家國盛濟濟經道與天人同其願縹緲  
入大乘因心立福田摩法輪升七祖生天

卷四

堂我身白日騰

大道洞玄虛有念無不契鍊質入仙真遂成

金剛體超度三界難地獄五苦解悉皈太上

經靜念稽首禮

太極左仙公為真人諱玄字孝先於天台山

授弟子鄭思遠沙門世法蘭釋道徽兵時

先主孫權後思遠於馬跡山中授葛洪洪

乃葛仙公之從孫號抱朴子著內外書典

鄭君于時說仙師仙公告曰我所授上清

三洞太真道經吾去世之日一通付名山

洞壹一通付弟子一通付吾家門子弟世

世錄傳至人若但務吾經馳騁世業則不

堪任錄傳可悉付名山五嶽不可輕傳非

其入也有其人者宜傳之勿閉天道也

洞玄靈寶玉京山步虛經終

皇經集註啟讚序

天獻副元帥和應善天尊製

原夫大道無刑妙萬物而資始至真固象攝

群心而自歸機若洪鍾扣之立應邀哉上聖

至誠遂通恭惟

本行經者

鍾一

一

玄皇之秘言宮吳之樞要浮黎莫境紀談授

道之初紫微上官顯露緘藏之跡實諸天之

隱韻乃大梵之仙章八角垂亡本由於宸翰

于真列衛普度於人靈年劫執究世教莫知

蓋大地眾生迷謬喪失真源自壞刑體耽惑

情慾不能洗滌聖文遂隱今日崑山玉顯巨

海珠分護規瓊文伏增驚歎所謂幽囚重繫

恭妙教以薦原痼疾沉疴仰德音而頓愈昏

衛患炬溟渤舟航保國寧家濟生度死金編

玉軸浩渺難量非慕真風易契斯理聊叙大

要以化未萌云耳

高上玉皇本行集經前序

道本無言諸經皆真聖垂迹但因言顯道文

亦聖賢之所不廢自三才分名教立理本一

致謬妄者或岐之岐之非是也 元始坐照於諸劫之先當時至運會諸真問王帝行因遂說是經廼法品最尊靈文第一自來經書無有及此者真文隱奧不事奇麗梵對而旨自難窮諸聖所不能言思議所不能到此經括盡明若掌臣張仲事文中古供職於周祇承

上帝即聞此經願終寶持 帝偶較人間功過錄臣仲在忠孝之途 命掌化九天編輯此經經中玄蘊益得飽味惜世觀經者不能體聖意契玄旨謬刊訛傳言韻或誤遂分洞

玄高上二各執私見以傳習大悖說經之意甚至膠柱狂誕之徒或不信此經或以爲因襲他典或無知強解皆不知是經之尊而罪福報應不可逃也其過何可言臣仲不忍

盛典之失傳惜塵俗之愚謬誤犯無知不聞大道奏承

帝命使仙真解經說義流傳凡世作窮經之關鑰爲人道之梯階庶聖經法航可濟久溺之流玄宗妙藥易醫積沉之病聞經悟道永

雙一

二

無妄譏應機識真終免輪沉三千大千世界悉太和之域從劫至劫代代爲樂利之場或道必得無願不成是經功德斯無負矣謹序九天開化文昌梓童帝君臣張仲頓首百拜

原道

南極遐齡老人懼仙撰  
懼仙曰稽夫道教之源昔在混沌始判人道未備天命我道祖軒轅黃帝承

九皇之運乘六龍以御天代天立極以定三才當是時也天地尚未昭晰無有文字結繩以代政無有房屋巢居以穴處無有水裳結草以蔽體無有器用汗尊而杯飲我道祖軒轅黃帝始創製文字製衣服作宮室

制器用而人事始備今九派之中三教之內所用之文字所服之本裳所居之房屋所用之器皿皆

黃帝之始制是皆出於吾道家

黃帝之教焉且夫老子謂生天生地生人立萬物必有所生者曰吾不知其名強名曰道強字之曰大故曰大道其教曰道教世方有道字之名以是論之凡言修道學道者是皆竊老子之言以道爲名也豈非老氏之徒乎又若老子所謂玄之又玄爲衆妙門玄妙二字又皆竊之爲名用之於經者是皆用老子之言也又若莊子書曰有大覺而後知聖人此大覺二字乃莊子所立之名微宗取之而封金仙其經皆用之是皆出於吾道家之書黃帝老莊之教也

皇經註緒前序

道之一宗 三教同尊稱之適妄誕狂流目道爲二乘 是不知道也 玉帝 三教同尊事之盲徒 或稱爲天主譏其不尊是不改玉帝本行 根由也 帝修德無量功成不跌